

Nd.

115. Breytingartillögur

við frumv. til fátækralaga.

Flutningsm.: Hjeðinn Valdimarsson.

1. Fyrirsögnin á II. kafla »Um framfærslusveit« breytist í: Um framfærslurjett.
2. 20. gr. orðist svo:

Ríkið alt er sameiginlegt framfærslufjelag, og á hver sá, sem hefir íslenskan ríkisborgararjett, framfærslurjett i dvalarsveit sinni.
3. 21. gr., 22. gr., 23. gr. og 24. gr. falli burt og greinatalan breytist samkvæmt því.
4. Á eftir 20. gr., komi ný grein, er verður 21. gr., svo hljóðandi:

Danskir ríkisborgarar heimilisfastir hjer á landi eiga sama framfærslurjett sem íslenskir ríkisborgarar meðan þeir dvelja hjer.

Aðrir utanríkismenn eignast framfærslurjett hjer á landi, þegar þeir fá íslenskan ríkisborgararjett.
5. 26. gr., 27. gr., 28. gr., 29. gr. og 30. gr. falla burt og greinatalan breytist samkvæmt því.
6. 31. gr., er verður 22. gr., orðist svo:

Maður, sem eftir framansögðu hefir öðlast framfærslurjett á Íslandi, missir hann, þá er hann verður borgari i öðru ríki, að svo miklu leyti og á meðan hann að lögum getur eigi notið þeirra rjettinda, sem bundin eru við ríkisborgararjett. En öðlist hann aftur ríkisborgararjett, þá á hann framfærslu í þeirri sveit, er hann kys að dvelja í.
7. 32. gr., er verður 23. gr., orðist svo:

Nú verður maður, sem eigi á framfærslurjett hjer á landi samkvæmt framanskráðum ákvæðum, þurfandi fátækrastryrks hjer, og honum verður eigi vísað til framfærslu í útlöndum, og skal honum þá styrk veita í dvalarsveit hans.

Nú er þess krafist frá útlöndum, að tekið verði hjer við framfærslu íslensks ríkisborgara, og ráðherra álitur, að ekki verði komist hjá því að veita manni þeim viðtöku, og er þá rjett, að ráðherra vísi honum, með fjölskyldu, ef nokkur er, til framfærslu á þá sveit, er hann til þess kýs.

8. 2. málsgr. 41. gr., er verður 32. gr., orðist svo:

Sveitarstyrkur, sem veittur er til framfærslu og uppeldis barns innan 16 ára, telst til skuldar foreldrum barnsins í fjelagi, ef þau eru gift og bæði á lífi, en því foreldri, sem er á lífi, ef annað er dáðið, og því foreldri, sem það er hjá, eða síðast var hjá, eða er á vegum þess, ef hjónabandi foreldranna er slitið að lögum.

9. 43. grein, er verður 34. grein, breytist svo:

a. Í staðinn fyrir orðin »ef 2 ár þáði af sveit« í 3. málsgr. komi: hvenær sem er.

b. Á eftir 3. málsgr. komi 3 nýjar málsgr., svo hljóðandi:

Styrkur, sem veittur er styrkþega, sem er fullra 60 ára að aldri, telst ekki sem sveitarstyrkur.

Styrkur, sem veittur er vegna ómegðar þiggjanda, og styrkþegi á minst 4 heimilisföst börn framfærsluskyld, ef karlmaður á í hlut, en minst 2 börn, ef kona á í hlut, telst ekki sem sveitarstyrkur.

Styrkur, sem veittur er vegna slysa eða heilsuleysis þiggjanda, og styrkþegi sannar með vottorði læknis, að hann hafi þess vegna verið ófær til vinnu minst 3 mánuði í senn, telst ekki sem sveitarstyrkur.

10. Við 48. gr., er verður 39. gr.

a. Orðin »eða látið . . . 20 daga fangelsi« í 2. málsgr. falli burt.

b. 3. málsgr. falli burt.

11. Fyrirsögnin á V. kafla »Viðskifti sveitarstjórna« breytist í:

Um styrkveitingar og niðurjöfnun fátækra kostnaðar.

12. 52. gr., er verður 43. gr., orðist þannig:

Nú þarfnast maður sveitarstyrks, og skal hann þá veittur honum af dvalarsveit hans.

13. Á eftir 52. gr. komi ný grein, er verður 44. grein, svo hljóðandi:

Í lok hvers reikningsárs, og ekki síðar en 1. febrúar næsta ár, sendir sveitarstjórn til atvinnumálaráðuneytisins yfirlit yfir framfærslukostnað þann, sem hún hefir haft á árinu, sannað með nægum skilríkjum. Atvinnumálaráðuneytið jafnar síðan niður samanlögðum fátækra kostnaði allra sveita landsins á hverja sveit, að hálfu eftir samanlögðu skattmati fasteigna í sveitinni, í samanburði við samanlagt skattmat allra fasteigna í landinu, að hálfu eftir samanlagðri fjárhæð skuldlausra eigna og tekna af eign og atvinnu í sveitinni, í samanburði við samanlagðar tilsvarandi fjárhæðir á öllu landinu. Atvinnumálaráðuneytið innheimtir síðan eftirstöðvar fátækra kostnaðar hjá þeim sveitum, sem greitt hafa minna en þeim ber samkvæmt þessari niður-

jöfnun, og endurgreiðir þeim sveitum mismuninn, sem hafa greitt of mikið. Skal þeim innheimtum og endurgreiðslum lokið fyrir 1. júlí vegna undanfarandi árs.

14. Við 53. gr., sem verður 45. gr.

a. 1. liður orðist þannig: Nafn, fæðingarstað og aldur þurfamannsins.

b. 2. liður falli burt og breytist liðatalan samkvæmt því.

15. 54. gr., 55. gr., 56. gr., 57. gr., 58. gr., 59. gr., 60. gr., 61. gr., 62. gr., 63. gr. og 64. gr. falli burt og greinatalan breytist samkvæmt því.